

QVÆSTIO MEDICA.
CARDINALITIIS DISPVATIONIBVS MANE DISCVTIENDA
IN SCHOLIS MEDICORVM, DIE IOVIS XIII. MARTII,
() M. FRANCISCO MANDAT. Doctore Medico Præsîde. ()

An eadem viuendi ratio sanis perpetuò seruanda?

1020

CONVENIENTI viuendi ratione, quæ sex rerum non naturalium vsu continetur, non aduersam modò valetudinem præcauet propulsatque: verum-etiam secundam tuetur ac retinet Medicus; sed aliâ & aliâ via: vnde in duas partes, quæ victu curat, Medicina diuisa est: Ita tamen vt plerumque vnum idemque præsidij genus adhibeat expugnandis morbis, tuendæque sanitati, sed quo dum contrarium est, illos depellit; hanc seruat, dum simile. Quapropter inanis medentis opera, nisi ad vnguem teneat corporis humani naturam, & propriam cuiusque temperiem, morborum, causarumque à quibus ortum habent discrimina, tandemque alimentorum dotes manifestas, & tacitas, sæpe vel in eadem specie pro vario cælo soloque longè dissimiles. Quos ergo sola experimenta sustinent, ab his foruita omnia, certum nihil expecta: quisquis autem cuncta illa in numero habuerit, acriorique iudicio scitè inter sese contulerit ac æstimarit; is ceteris palmam in medendo eripiet.

QVANTI sit ad meliorem vitam momenti rectè instituta viuendi ratio, argumento sunt penè innumeri ab omni memoria homines, qui huius vnus ope, spretis alijs Medicinæ partibus, perpetuò valère, & ad extremam vsque senectutem peruenire. Quin è veteribus aliqui primæ notæ medici, eâ solâ veluti clauâ, tot monstra morborum, qui in hominum genus grassari solent, debellari posse contenderunt. Certè quidem absque ea nihil vnquam auspiciò gesseris. Quamobrem quò cuiusque valendo pluribus est offensis obnoxia, hoc diligentius est seruanda: Inde in ægrorum victu ferè nullum non graue peccatum admittitur: nam si in sanis considerandum quod cælum, quod tempus anni sit, quæ vis alimenti, quæ corporis; multò magis in ægris. Vide vt vel probati ab omnibus cibi temerè atque intempestiuè oblati febrem alijs exasperarunt, alijs protraxerunt, alijs præsentissimam mortem conscuerunt: vt è contrâ scitè captatâ occasione exhibendi seu vini, seu iurulentici, reuixere qui mox offerendi videbantur.

SANORVM vt non vnus est ordo, ita nec eadem debet esse victus ratio cui omnes perinde adstricti teneantur; infirmæ valetudinis homines, qui in morbi confinio propè semper versantur, non minus egent monitore Medico, quàm assiduis fluctibus & procellis iactata naus perito gubernatore: sani, sed imbecilli stomacho aut quauis alia parte, quo in numero sunt magna pars virbanorum, omneque cupidi licerarum, ad suum sint attentiores victum; vt quod vel temporis, vel loci, vel studij ratio detrahit: cura restituat. Quorumdam sanitas Fortunæ similis est, tunc cum splendet, frangitur: atque hi nisi fiducia secundæ valetudinis ex improviso opprimantur, suo quoque auscultent Medico; qui verò è meliore luto ficti ad naturales actiones nunquam non bellè se habent, & ad omnes voluntate susceptas prompti sunt & alacres, qui solidum & lucci plenum corpus à natura obtinent; quid causâ est, cur vllis se obligent legibus? sana omnia, sanis atque valentibus. Quo pacto medicorum opem meritò implorant dubiæ valetudinis homines: sic ijs tam facillè robustiores caruerint, quàm, qui satur est, cibo.

NVLLA est in victu lex tam constans, & ab omnibus fixa Medicis, quæ non possit aliquando rescigi impunèque violari: ijs nec quoduis cælum, nec quiuis probatur aër; at quàm multis toties subinde mutatus totoque orbe tractus, nihil planè nocuit: non pauci delicatuli solem passi inurentem, mortem oppetièrè; fortè quia neque Orientem, neque Occidentem vnquam viderant; eiusdem radios ceterasque cæli iniurias, quis nauta, quis messor non strenuè sustinet. In alimentorum censu, si Medicum audias, pluribus repudiatis, pauca in vsu venient: at hæc ipsa damnata, fossori in delicijs sunt, fouentque lacertorum robur. An à secundis mensis, variisque ferculis metuedum; vt in debili ventriculo coacescant, nihil nocent firmo. Vino parcius vtendum, scilicet: dubium pluribusne profuerit esse abstemijs, aut vino paulò plus deditis. Duriore intemperantia in potione, quàm in esca? Satiùsne bis de die, an semel cibum capere? de vtroque iure ambigitur. Laudatur ab omnibus abstinentia: bene iuuat aliquando rapi extra metas necessitatis, præstatque pleno, quàm exinanito corpore egrotare. Periculosum à cibo meridiari: sed & periculosius, ob inopiam caloris ingestum alimentum inquinari. Cautè vtendum venere, ita si citra libidinem exerceatur, nec ipsa sibi modum ponit Natura: Si non sunt rariores querelæ & morbi coniugum à nimia, quàm virginum, ex nulla. Ocium, ne corrumpat animum, effæctumque corpus tradat senectuti; sedulò fugiendum: hæc quantus ocioforum numerus, qui & eute benè curatâ, & toto corpore nitent: & quidest quòd tantopere illi labor anteferatur; si modò ab hoc quoque est ingenium omne proclue ad libidinem; adeo verum est in arte humanæ salutis præside, vix quidquam perpetuum reperiri.

MISERA igitur corum vita, qui vni viuendi instituto, velut saxo alligati continenter adherescunt, quomodo tempestatum anni: sic aliarum rerum, grata mutatio, grata vices. Qui id vnum, in vita ac victu adprime vtile tenuerit, vt ne quid nimis. Qui rerum non naturalium vsu, necessitate appetituque minime mendaci definit. Qui denique rationem moderationemque ipsam secum in consilium adhibuerit: rebus omnibus quas mundi continet ambitus, in vnus hominis gratiam à summo Numine procreatis, tam commodè vtetur, ijs vt nunquam, aut tantum leuiter offendatur; grauitè verò qui ducitur consuetudine, quæ plerumque rerum benè gerendarum pessimus author est, pessimusque Tyrannus, à quo arctius quisque constringitur, quo studiosius ipsi paruerit: minus quidem lædunt consuetas: sed ita, vt vehementius infueta omnia: quare haud secus ac nimis ociosa vita, parum tuta, quia potest incidere laboris necessitas; pari modo præstat ita omni viuendi rationi assuescere, vt nulli omnino assuescas, quò si aliam ac subinde aliam inire cogaris, nullo dispendio, nullâque id fiat sanitatis iniuriâ.

Ergo eadem viuendi ratio sanis non perpetuò seruanda.



Proponebat Lutetiæ ALANVS LAMY Cadomensis, A. R. S. H. M. DC. LIII.